



Isalathiso: 20190320-3038  
Inombolo yefayili: 12/2/11/6/4  
Imibuzo: S Rampou

INGcaciso eMfutshane yeCandelo leKharityhulam yeGET : DCG 0013/2019

Iya: KumaSekela Balawuli-Jikelele, kuBalawuli abaziiNtloko, kuBalawuli, kwiiNtloko zokuNika iNkxaso kwiKharityhulam, kuBaphathi beeSekethe, kumaSekela eeNgcali zeMfundo eziziiNtloko, kuBaqquzeleli beGET, kuBacebisi ngeZifundo nakwiiNqununu zazo zonke izikolo eziqhelekileyo nezizimeleyo ezineeklassi zeBakala 7

**ISihloko: I-AstroQuiz 2019 — yaBafundi beBakala 7**

1. I-AstroQuiz lukhuphiswano lwesayensi olwenzelwa abafundi beBakala 7 olusekelwe kwimixholo enxulumene neze-astronomi (*astronomy-related themes*) nolukwanxulumana necandelo i-“*Earth and Beyond*” leKharityhulam yeeSayensi zeNdalo (*Natural Sciences curriculum*).
2. I-AstroQuiz yiprojekthi exhaswa ngemali yi-South African Agency for Science and Technology Advancement (SAASTA) neyenziwa ngokwamaphondo yi-South African Astronomical Observatory (SAAO). Injongo yale projekthi:
  - kukukhuthaza umdla kwisayensi kwizikolo eziziiprayimari;
  - kukuphucula indlela yokufunda nokufundisa eklasini;
  - kukunika ulwazi nokucinga nzulu ngemiba esisiseko ye-astronomi, isayensi nemathematika; kunye
  - nokubethelela umdla kumathuba omsebenzi afumaneka kwi-astronomi nakwezinye iisayensi.
3. I-AstroQuiz iqaliswe ngempumelelo kweli phondo ukususela ngo-2006 yaye umdla kolu khuphiswano ukhule kakhulu. Olu khuphiswano luqhutywa ngesiNgesi kuphela kumanqanaba ephondo nakuzwelonke.
4. Ukususela ngo-2015, ukhuphiswano lweWestern Cape AstroQuiz lukhuphiswano lwasekhompyutheni. Abafundi banokusebenzisa iiselula zabo ukuthatha inxaxheba. Nakuba kunjalo, izikolo ezingenayo ifasilithi yasekhompyutheni ziya kunikwa ithuba lokubhala ikhwizi ebhalwe emaphepheni.
5. Ukungenela i-AstroQuiz izikolo mazityumbe amaqela abafundi abane abasuka kwiBakala 7 ukumela isikolo.

6. Imijikelo emibini yokuqala ye-AstroQuiz yephondo iya kubanjelwa ezikolweni phantsi kweliso lootitshala abongameleyo. Kukhuthazwa izikolo ukuba zingenele namaqela amaninzi kangangoko zinako.
7. Kuya kubakho umjikelo wokuzivavanya (*trial round*) wabafundi ukwenzela ukuba baprekthize ukwenza ikhwizi ekhompuyutheni (*quiz online*). Izikolo ziyakhuphisana ekuphenduleni iseti yemibuzo eyi-30 kumjikelo ngamnye. Zonke izikolo ziya kuphendula imibuzo efanayo. Amaqela anikwa imizuzwana eyi-60 eqingqiweyo ngombuzo ngamnye. Amaqela anokuxoxa ngeempendulo bekwenza oko ngenzolo bebodwa. Liqela elinye kuphela kwisikolo ngasinye elinokuthatha inxaxheba kumjikelo wesibini. Akuvumelekanga ukuba abafundi abathatha inxaxheba baze naziphi na izinto zokufunda kwindawo yekhwizi.
8. Imijikelo yephondo yesi-3 neyesi-4 iya kubanjwa ngosuku olunye e-SAAO e-Observatory, eKapa. Okokuqala kulo nyaka, isithili ngasinye siya kumelwa zizikolo ezihlanu kwesi siganeko. Kungenxa yoko, sikhuthaza izikolo ezininzi kangangoko zinako ukuba zisebenzise eli thuba. ISebe leMfundo leNtshona Koloni (WCED) liya kuba noxanduva lokuhlawula amabango ezothutho ootitshala abathutha amaqela aya kwiMijikelo yesi-3 neyesi-4 yephondo. Ootitshala baya kufumana iifom zamabango eWCED kwa-SAAO. Nakuba kunjalo, i-SAAO iya kuba noxanduva lokuthutha iqela eliya kumela iphondo kwimijikelo yokhuphiswano lokugqibela lukazwelonke lwesi siganeko.
9. Imihla ka-2019 ye-AstroQuiz imi ngolu hlobo lulandelayo:

UMJIKELO	UMHLA	INDAWO
1	24 Julayi 2019	Kwinqanaba lesikolo
2	7 Agasti 2019	Kwinqanaba lesikolo
3 & 4	29 Agasti 2019	e-SAAO e-Observatory, eKapa
Imijikelo yokugqibela kazwelonke	23–26 Septemba 2019	e-Gauteng

10. I-resource pack ye-AstroQuiz namaphepha emibuzo exesha elidlulileyo (*past question papers*) anokukhutshelwa kwiziko lewebhu i-SAAO AstroQuiz apha [www.astroquiz.saa.ac.za](http://www.astroquiz.saa.ac.za). Ukuba isikolo sifuna incwadana ye-AstroQuiz engamaphepha banokuyicela ngokuthumela i-imeyili negama lesikolo nedilesi yeposi ku-: [help@astroquiz.saa.ac.za](mailto:help@astroquiz.saa.ac.za).
11. I-WCED icebisa ukuba zonke izikolo mazisebenzise i-AstroQuiz resource pack kunye nephepha lemibuzo lexesha elidlulileyo ukunika abafundi amava okubhala ikhwizi. Lo mayibe ngumsebenzi owenziwa kuvulwe iincwadi ukufumana iimpendulo zemibuzo (*open-book activity*) ngamaqela abafundi abane beqela ngalinye, apho ibutho ngalinye lisebenza njengeqela.

12. Izikolo ezinomdla mazibhalisele ukungenela le khwizi ngqo kwi-SAAO ngokungena kwi-AstroQuiz website ku-: <http://astroquiz.saa.ac.za>. Ubhaliso luvula ukususela ngoAprili 2019.
13. Lonke unxibelelwano oluvela e-SAAO luya kufumaneka nge-imeyili kunye/okanye nge-SMS. Ootitshala banokukhetha iindlela zabo zonxibelelwano abakholwa zizo xa bebhalisa yaye bayacelwa bajoyine uluhlu lwembalelwano ye-Astroquiz ku-: <http://astroquiz.saa.ac.za/join-the-mailing-list/> ukuhlala benolwazi ngekhwizi.
14. I-WCED ikhuthaza zonke izikolo ezinabafundi beBakala 7 ukuba zithathe inxaxheba kwi-2019 Astroquiz.
15. Ukuba unayo nayiphi imibuzo okanye ingcaciso oyifunayo ngokuphathelele kolu khuphiswano, kucelwa uqhagamshelane ngqo ne-SAAO okanye ungene kwiziko lewebhu yabo ukufumana enye ingcaciso.  
 Ifoni: 021 460 9369/093 467 1131 (Nks Buzani Khumalo)  
 021 460 9319 (Nks Thembela Mantungwa)  
 021 460 9328 (Gqr Christian Hettlage)  
 Ifeksi: 086 554 1330  
 I-imeyili: [help@astroquiz.saa.ac.za](mailto:help@astroquiz.saa.ac.za)  
 Iziko lewebhu: <http://astroquiz.saa.ac.za>
16. Kucelwa iinqununu zazise okukule ngcaciso imfutshane bonke ootitshala beeSayensi zeNdalo beBakala 7 ukuze bakuthathele ingqalelo.

**ISAYINWE : NGU-PAD BEETS**

**USEKELA MLAWULI-JIKELELE WOLAWULO LWEKHARITYHULAM NOVAVANYO**

**UMHLA: 2019-04-09**